

Føremål med samarbeidsavtalen

Avtalen regulerer ansvaret til Sunnfjord kommune som prosjekteigar og ansvaret til deltakande kommunar i samarbeidsprosjektet. Deltaking i det Nasjonale velferdsteknologiprogrammet gir styrande rammer for aktiviteten.

Tid

Tidsperioden for samarbeidsavtalen er 01.01.2022 – 01.03.2026, med atterhald om finansiering gjennom årlege tilskotsmidlar. Avtalen skal reviderast årleg i samband med ny søknad til Statsforvaltaren i Vestland. Ved endringar av vesentleg karakter blir avtalen sendt ut for ny signering. Ved mindre endringar blir dette tatt opp i styringsgruppa for godkjenning.

Målet med prosjektet E-helse Vestland

Deltakande kommunar ynskjer å samarbeide i felles prosjekt om å utvikle gode tenester og kompetansebygging i møte med ny teknologi og framtidens tenester.

Hovudmål

Prosjektet skal gjennomføre ein fleirårig plan der alle kommunane i Vestland fylke gradvis blir med. Prosjektet skal utvikle eit sterkt fagleg samarbeid for å samle, bygge og dele kunnskap og erfaringar som er kritisk for innføring av velferdsteknologi i kommunane. Kommunane skal vera i førarsetet og skal implementere og ha vesentleg gevinst av velferdsteknologi. Prosjektet skal støtte kommunane i å realisere det store potensialet i bruk av velferdsteknologi.

Velferdsteknologi skal òg bidra i krisesituasjonar for å trygge brukarar av helse- og omsorgstenestene, hindre smittespreiing og frigjere tid for helsepersonell.

Hovudmålet blir realisert gjennom konkrete og målbare delmål. Kvart delmål blir knytt til ein hovudaktivitet (arbeidspakke) med konkrete delaktivitetar, deltakande organisasjonar, tidsplan og budsjett.

Prosjektaktivitetar blir revidert årleg i samband med søknader på fornyingsmidlar frå Statsforvaltaren i Vestland og andre relevante tilskotsordningar. Nødvendige justeringar blir gjort ut frå tildelingar. Nye aktivitetar blir godkjent i styringsgruppa.

Finansiering

Prosjektet E-helse Vestland søker på fornyingsmidlar kvart år frå Statsforvaltaren i Vestland, tilskot frå Nasjonalt velferdsteknologiprogram og andre relevante tilskotsordningar. Prosjektleiar og prosjekttilsette blir finansiert gjennom desse tilskotsmidlane. Kommunane må sjølve dekke kostnader til lokale prosjektgrupper og utgifter til reiser/samlingar/møter i prosjektet. Tildeling av midlar kan vere med å dekke noko av utgiftene til felles samlingar/møter. Kommunane i prosjektet må i fellesskap yte eigenandel tilsvarande tilskot, f.eks. frikjøp av personell og utgifter til kompetansehevingstiltak.

Finansiering gjennom tilskotsmidlar er berre garantert for eitt år om gongen. Dersom denne finansieringa fell vekk før prosjektet er avslutta, skal styringsgruppa behandle spørsmålet om vidare deltaking eller avslutting av prosjektet.

Kommunane må ta alle kostnader ved anskaffing av teknologi. Budsjett blir lagt inn i prosjektplan.

Prosjektorganisering

Prosjekteigar: Sunnfjord kommune

Prosjektansvarleg: Kommunalsjef omsorg i Sunnfjord kommune, Kirstin Bruland

Styringsgruppe:

- Sunnfjord kommune: Kirstin Bruland, leiar
- Representant på rådmannsnivå oppnemnt i samråd med KS og samordna med styringsgruppa i DigiVestland
- Kommunalsjef i Vestland
- Brukarrepresentant, fylkeseldrerådet
- Hovudtillitsvald, fylkesnivå
- Helse Bergen
- Helse Fonna
- Helse Vest IKT
- Høgskulen på Vestlandet
- Vestlandsforskning
- Observatør: Statsforvaltaren i Vestland
- Prosjektleiar er sekretariatet for styringsgruppa

Prosjektleiar: Kari Eidnes Bjørkheim

Forankringsgruppe:

- Prosjektleiar Kari Eidnes Bjørkheim
- Prosjektmedarbeidarar frå prosjekta i Hordalandsregionen og Sogn og Fjordane regionen
- USHT Vestland (Sogn og Fjordane)
- USHT Vestland (Hordaland)

- USHT Helse Fonna
- Representant tillitsvald
- Brukarrepresentant, Pensjonistforbundet
- Helse Vest IKT
- Vestlandsforskning / IT-forum vest
- Høgskulen på Vestlandet
- Kommunalsjefar for helse-omsorg oppnemnt av prosjektleiinga i samråd med KS
- IKT Nordhordland
- SYS IKT
- Alarmsentralen i Sogn og Fjordane
- Helse Førde
- Haraldsplass Diakonale sykehus

Samordningsgruppe

Består av prosjektkoordinatorane som er tilsett i E-helse Vestland, og har ansvar for den daglege drifta av prosjektet ilag med prosjektleiar.

Arbeidsgrupper og referansegruppe

Arbeidsgrupper blir sett ned ut frå aktivitet og behov. Desse rapporterer til prosjektleiar/-gruppe.

Krav til prosjekteigar

Sunnfjord kommune er prosjekteigar og har rapporteringsansvar overfor Statsforvaltaren i Vestland og andre instansar der prosjektet har fått tilskotsmidlar. Gjennom samarbeidsprosjektet forpliktar prosjekteigar seg til:

- Ansvar for prosjektleiing i tråd med gjeldande prosjektorganisering vedtatt av styringsgruppa.
- Administrering av prosjektet ut frå årlege søknader, prosjektmandat og budsjett
- Leie styringsgruppa
- Stå som ansvarleg kommune ved søknader på tilskotsmidlar/delprosjekt som er relevant for å finansiere E-helse Vestland (hovudprosjektet)
- Samarbeide med og vidareføre måla i det nasjonale velferdsteknologiprogrammet og organisere prosess-støtte som blir gitt der
- Normalt vil rapportering og finansielle utbetalingar gå via Sunnfjord kommune

Krav til kommunane

For å nå føremålet med prosjektet samtidig som kvar enkelt kommune får full effekt av prosjektet, blir fylgjande krav stilt til kommunane:

- Etablere prosjektgruppe i kommunen
 - Lokal prosjektleiar med ansvar for framdrift i kommunen og som deltek i felles nettverk
 - Sette av nødvendig tid og ressursar for å sikre framdrift
- Kommunalsjef (eller tilsvarende stilling) er lokal prosjekteigar
- Følgje prosess og metodikk under rettleiing av prosjektleiing og InnoMed. For kommunar som er spydspisskommunar gjeld òg leveransar etter vedteken framdriftsplan
- Delta på arbeidsmøter i prosjektet, og mogelege regionale/nasjonale samlingar
- Respektere avgjerder og føringar i prosjektet av prosjektleiing eller nasjonale aktørar. Eventuelle avvik skal løftast til styringsgruppa.

Terminering (avslutning)

Finansiering ved Statsforvaltaren i Vestland er for eitt år av gangen, men planen for E-helse Vestland er til 01.03.2026. Om finansieringa fell vekk før prosjektet er avslutta, skal styringsgruppa behandle spørsmålet om vidare deltaking eller avslutning av prosjektet.

Dersom kommunar ikkje følgjer opp det som er omtalt i avtalen, vil det medføre at ein mister retten til deltaking, rettleiing og oppfølging i prosjektet.

Spørsmålet om utmelding må behandlast av styringsgruppa, og deretter takast avgjerd av den respektive kommune.

Stad/Dato

Stad/Dato

Kirstin Bruland,
kommunalsjef omsorg, Sunnfjord kommune